



ՀԵՌՈՒՍԱՏԵՍՈՒԹՅԱՆ ԵՎ ՌԱԴԻՈՅԻ ՀԱՆՁՆԱԺՈՂՈՎ

ՈՐՈՇՈՒՄ

23 մայիսի 2024 թվականի թիվ 54-Ա

ք. Երևան

«ՎԻՐՈՒՄ ՆԵՏ» ՍՊ ԸՆԿԵՐՈՒԹՅԱՆ ՆԿԱՏՄԱՄԲ ՀԱՐՈՒՑՎԱԾ ՎԱՐՉԱԿԱՆ ՎԱՐՈՒՅԹԸ ԿԱՐՃԵԼՈՒ ՄԱՍԻՆ

Հեռուստատեսության և ռադիոյի հանձնաժողովը (այսուհետ՝ Հանձնաժողով), ուսումնասիրելով 2024 թվականի մայիսի 07-ին իր նախաձեռնությամբ հարուցված թիվ 23 վարչական վարույթի նյութերը, **պարզեց**.

Հանձնաժողովը «Տեսալսողական մեդիայի մասին» օրենքով (այսուհետ՝ Օրենք) վերապահված իր վերահսկողական գործառույթներն իրականացնելիս հայտնաբերել է Օրենքի պահանջի խախտում, այն է՝ ցանցային օպերատորի գործունեություն իրականացնող «ՎԻՐՈՒՄ ՆԵՏ» ՍՊ ընկերության (այսուհետ՝ ցանցային օպերատոր) կողմից տեսալսողական ծրագրերն առանց պայմանագրի վերահաղորդում իրականացնելու Օրենքի դրույթի պահանջի խախտման փաստ:

Հանձնաժողովը, ղեկավարվելով Օրենքի 32-րդ հոդվածի 1-ին մասի 14-րդ կետով և 42-րդ հոդվածով, համաձայն որի՝ Հեռարձակողների գործունեության մշտադիտարկումն իրականացվում է ուղղակի դիտարկման, իսկ օպերատորի դեպքում՝ նաև տեղում դիտարկում իրականացնելու միջոցով և հիմք ընդունելով Հանձնաժողովի նախագահի 2024 թվականի մայիսի 02-ի թիվ 22-Ա հրամանը, իրականացրել է ցանցային օպերատորի մոտ մշտադիտարկում տեղում դիտարկում իրականացնելու միջոցով:

Տեղում դիտարկում իրականացնելու արդյունքում 2024 թվականի մայիսի 07-ին Հանձնաժողովի ծրագրերի մոնիտորինգի և վերահսկողության վարչության կողմից կազմվել է արձանագրություն, համաձայն որի՝ ցանցային օպերատորի հեռարձակող կայանում ժամը 12:48-ից 13:30-ն իրականացված մշտադիտարկման արդյունքում պարզվել է, որ ցանցային օպերատորի կողմից վերահաղորդվում են թվով 83 հետևյալ տեսալսողական ծրագրերը՝ «Երկիր Մեդիա», «Հ2», «Թավա TV», «Կինոման», «ԼայքՀայք», «Հայ TV», «Խաղալիք», «Ազատություն TV», «ԱԿԵՎ», «Дом кино премиум», «TNT 4», «Перец», «Домашний», «НТВ мир», «Пятница ! international», «REN TV», «Россия 24», «5-ий канал», «Food network», «Кухня», «Телекафе», «Моя планета», «Кинобыжас», «Amedia premium», «Кинопреьера», «Кинохит», «Киномикс», «Мужское кино», «Кинокомедия», «Наше новое кино», «Индийское кино», «France 24», «Cartoon Network», «Дом кино», «Охотник и рыбалов», «НСТ», «DW», «Матч! планета», «UDAR», «Eurosport 1», «Eurosport 2», «FX», «Бокс ТВ», «СТС kids», «Детский

мир», «Мама», «Мульт», «nick toons», «Nickelodeon», «Карусель», «Музыка первого», «Муз», «HTB стиль», «Bridge classic», «Bridge TV русский хит», «MTV live», «Մուզզոն», «Шансон», «Cartoonito», «Animal planet», «National geographic», «Тонус», «Телепутишесвия», «CNN», «1 Космический», «AMEDIA Hit», «КВН», «HTB сериал», «Investigation Discovery (ID)», «История», «Арсенал», «Загородный», «Bridge TV Hits», «Fox live», «Киносемья», «Индия», «TLC», «Звезда», «Euronews», «ТВ3», «ТНТ music»:

Հանձնաժողովի ծրագրերի մոնիտորինգի և վերահսկողության վարչության կողմից իրականացվել է նաև ցանցային օպերատորի գործունեության մշտադիտարկման արդյունքների արձանագրությունում նշված վերահաղորդվող տեսալսողական ծրագրերի և ցանցային օպերատորի կողմից 2024 թվականի մարտի 07-ին Հանձնաժողով ներկայացված վերահաղորդվող տեսալսողական ծրագրերի ցանկի համադրություն, որի արդյունքում պարզվել է հետևյալը.

Ցանցային օպերատորի կողմից ներկայացված վերահաղորդվող տեսալսողական ծրագրերի ցանկում, բացի փաստացի վերահաղորդվող ծրագրերից, առկա են նաև «Discovery channel», «HTB-Право», «Россия-К», «Живая планета», «TNT-Comedy», «Paramount Comedy», «Baby TV», «Պերվիյ կանալ: Վսեմիրնայա սետ», «AMEDIA 1 HD», «AMEDIA 2 HD», «Մուժսկոյ», «ԿԽԼ» («KHL TV Channel»), «Тайны Галактики» (логотип «Galaxy»), «USU I» («СТС I»), «ՌԲԿ» («РБК»), «ԲՐԻՋ ՏՎ շյագեռ» («BRIDGE TV Шлягер»), «ԲՐԻՋ ՏՎ Դելյուքս» («BRIDGE TV Deluxe»), «ԲՐԻՋ ՏՎ Ֆրէշ» («BRIDGE TV Фреш»), «ՏՎՅ I» («ТВЦ I»), «Բեյբի Թայմ» («Baby Time I»), «Իզվեստիյա» («Известия») և «1in am» տեսալսողական ծրագրերը, որոնք արձանագրություն կազմելու պահին չեն վերահաղորդվել, ինչն արգելված չէ օրենքով և չի խախտում այլոց իրավունքները:

Միաժամանակ պարզվել է, որ ցանցային օպերատորի կողմից ներկայացված վերահաղորդվող տեսալսողական ծրագրերի ցանկում առկա չեն «Երկիր Մեդիա», «Ազատություն TV», «France 24», «DW», «UDAR», «Nick toons» և «Մուզզոն» տեսալսողական ծրագրերը, որոնք փաստացի վերահաղորդվել են արձանագրությունը կազմելու պահին:

Հանձնաժողովը, ղեկավարվելով «Վարչարարության հիմունքների և վարչական վարույթի մասին» օրենքի 30-րդ հոդվածի 1-ին մասի բ) կետով, 2024 թվականի մայիսի 07-ին ցանցային օպերատորի նկատմամբ հարուցել է վարչական վարույթ՝ հիմք ընդունելով Հանձնաժողովի ծրագրերի մոնիտորինգի և վերահսկողության վարչության կողմից ցանցային օպերատորի գործունեության մշտադիտարկման արդյունքների հիման վրա 2024 թվականի մայիսի 07-ին կազմված մշտադիտարկման իրականացման և արդյունքների վերաբերյալ արձանագրությունը, որն Օրենքի 42-րդ հոդվածի 18-րդ մասի համաձայն հիմք է հանդիսանում վարչական վարույթ հարուցելու համար, իսկ հարուցված վարչական վարույթի շրջանակներում ծառայում է որպես վարչական վարույթի ապացույց:

Հանձնաժողովը հարուցված վարչական վարույթի մասին 2024 թվականի մայիսի 10-ին ծանուցել է ցանցային օպերատորին և հայտնել, որ այս հարցի վերաբերյալ կարող են ներկայացնել իրենց պարզաբանումները և բացատրությունները:

Ցանցային օպերատորը հարուցված վարչական վարույթի ընթացքում 2024 թվականի մայիսի 14-ին գրությամբ Հանձնաժողով է ներկայացրել վերահաղորդվող ծրագրերի թարմացված ցանկը՝ առ 14.05.2024 թվական, և արձանագրությամբ նշված խնդրահարույց տեսալսողական ծրագրերի իրավատերերի հետ կնքված պայմանագրերը և համաձայնագրերը:

Ըստ ներկայացված իրավական հիմքերի՝

- «ՓԻ ԲԻ ՍԻ» ՍՊ ընկերության և «ՎԻՐՈՒՍ ՆԵՏ» ՍՊ ընկերության միջև 2024 թվականի հունվարի 03-ին կնքվել է «Վերահեռարձակման իրավունքի տրամադրման պայմանագրում փոփոխություն կատարելու վերաբերյալ» համաձայնագիրը 2019 թվականի հունվարի 30-ին կնքված «Վերահեռարձակման իրավունքի տրամադրման պայմանագրում փոփոխություն կատարելու» վերաբերյալ, համաձայն որի՝ ցանցային օպերատորն իրավունք ունի, ի թիվս այլնի, վերահաղորդել նաև «Մուզզոն» տեսալսողական ծրագիրը,

- «ՀԻԲՐԻԴ ՓՐՈԴԱՔՇՆ ԷՆԴ ԴԻՍՏՐԻԲՅՈՒՇՆ» ՍՊ ընկերության և «ՎԻՐՈՒՍ ՆԵՏ» ՍՊ ընկերության միջև 2024 թվականի ապրիլի 01-ին կնքվել է «Տեսալսողական ծրագրերի վերահաղորդման իրավունքի տրամադրման պայմանագրում փոփոխություններ կատարելու վերաբերյալ» Համաձայնագիր N1-ը 2021 թվականի հունվարի 14-ին կնքված «Վերահեռարձակման իրավունքի տրամադրման պայմանագրում փոփոխություն կատարելու վերաբերյալ», համաձայն որի՝ ցանցային օպերատորն իրավունք ունի, ի թիվս այլնի, 2024 թվականի ապրիլի 01-ից մինչև 2025 թվականի դեկտեմբերի 31-ը վերահաղորդել նաև «Nick toons» տեսալսողական ծրագիրը,

- «ՀԻԲՐԻԴ ՓՐՈԴԱՔՇՆ ԷՆԴ ԴԻՍՏՐԻԲՅՈՒՇՆ» ՍՊ ընկերության և «ՎԻՐՈՒՍ ՆԵՏ» ՍՊ ընկերության միջև 2024 թվականի ապրիլի 01-ին կնքվել է «Տեսալսողական ծրագրերի վերահաղորդման իրավունքի տրամադրման» պայմանագիրը, համաձայն որի՝ ցանցային օպերատորն իրավունք ունի 2024 թվականի ապրիլի 01-ից մինչև 2025 թվականի դեկտեմբերի 31-ը վերահաղորդել «UDAR» տեսալսողական ծրագիրը,

- «ՀՈՒՍԱԲԵՐ» ՓԲ ընկերության և «ՎԻՐՈՒՍ ՆԵՏ» ՍՊ ընկերության միջև 2024 թվականի ապրիլի 01-ին կնքվել է «Երկիր Մեդիա» տեսալսողական ծրագրի վերահաղորդման թույլտվության վերաբերյալ պայմանագիրը,

- «ԱԶԱՏՈՒԹՅՈՒՆ ԹԻՎԻ» ՍՊ ընկերության և «ՎԻՐՈՒՍ ՆԵՏ» ՍՊ ընկերության միջև 2024 թվականի մայիսի 05-ին կնքվել է վերահեռարձակման իրավունքի տրամադրման պայմանագիրը, համաձայն որի՝ ցանցային օպերատորն իրավունք է ստացել Հայաստանի Հանրապետության տարածքում վերահաղորդել «Ազատություն TV» տեսալսողական ծրագիրը,

-«ԴՈՅՁԵ ՎԵԼԼԵ» (Deutsche Welle) ընկերության և «ՎԻՐՈՒՍ ՆԵՏ» ՍՊ ընկերության միջև կնքվել է պայմանագիրը, համաձայն որի՝ ցանցային օպերատորն իրավունք է ստացել 2024 թվականի մայիսի 01-ից մեկ տարի ժամկետով վերահաղորդել «DW» տեսալսողական ծրագիրը,

-«France Medias Monde» ընկերության և «ՎԻՐՈՒՍ ՆԵՏ» ՍՊ ընկերության միջև կնքվել է պայմանագիր, համաձայն որի՝ ցանցային օպերատորը 2024 թվականի մայիսի 01-ից մինչև 2024 թվականի դեկտեմբերի 31-ն իրավունք ունի վերահաղորդել «France 24» տեսալսողական ծրագիրը:

Հանձնաժողովի հիմնավորումները (պատճառաբանությունը) և եզրահանգումը.

Այսպիսով, վարչական վարույթի բազմակողմանի, լրիվ և օբյեկտիվ քննության, ձեռք բերված ապացույցների ուսումնասիրության և գնահատման արդյունքում Հանձնաժողովն ամրագրում է հետևյալը.

Օրենքի 2-րդ հոդվածի 1-ին մասը սահմանում է՝

«Հայաստանի Հանրապետության տեսալսողական մեդիայի մասին օրենսդրությունը ներառում է Հայաստանի Հանրապետության Սահմանադրությունը, «Տեսալսողական մեդիայի մասին», «Զանգվածային լրատվության մասին», «Էլեկտրոնային հաղորդակցության

մասին», «Հեղինակային իրավունքի և հարակից իրավունքների մասին», «Լեզվի մասին», «Գովազդի մասին» օրենքները, Հայաստանի Հանրապետության ընտրական օրենսգիրքը, կարգավորող պետական մարմնի իրավական ակտերը, տեսալսողական մեդիայի ոլորտը կարգավորող այլ իրավական ակտեր և Հայաստանի Հանրապետության միջազգային պայմանագրերը»:

Համաձայն **Օրենքի 32-րդ հոդվածի 1-ին մասի 14-րդ կետի՝** Հանձնաժողովն իրականացնում է Հեռարձակողների և օպերատորների գործունեության մշտադիտարկում:

Օրենքի 42-րդ հոդվածի 1-ին, 3-րդ, 11-րդ և 18-րդ մասերը սահմանում են՝

«1. Հեռարձակողների գործունեության մշտադիտարկումն իրականացվում է ուղղակի դիտարկման, իսկ օպերատորի դեպքում՝ նաև տեղում դիտարկում իրականացնելու միջոցով: Ուղղակի դիտարկման արդյունքները կարող են համադրվել տեսալսողական հաղորդումների հաշվառման էլեկտրոնային մատյանների տվյալներին:

3. Տեսալսողական մեդիայի մասին օրենսդրության պահանջների խախտման վերաբերյալ տեղեկություններ ունենալու դեպքում օպերատորի գործունեության տեղում դիտարկումն իրականացվում է կարգավորող պետական մարմնի նախագահի հրամանի հիման վրա:

11. Մշտադիտարկման արդյունքների մասին արձանագրությունն ուղղակի դիտարկում իրականացնելու դեպքում ստորագրում է մշտադիտարկում իրականացրած անձը, իսկ օպերատորի մոտ տեղում դիտարկում իրականացնելու դեպքում ստորագրում է կարգավորող պետական մարմնի և օպերատորի ներկայացուցիչը:

18. Մշտադիտարկման արդյունքների վերաբերյալ արձանագրությունը կարող է հիմք հանդիսանալ վարչական վարույթ հարուցելու համար, իսկ հարուցված վարչական վարույթի շրջանակներում ծառայել որպես վարչական վարույթի ապացույց»:

Օրենքի 49-րդ հոդվածի 1-ին և 5-րդ մասերի սահմանումով՝

«1. Հայաստանի Հանրապետության տարածքում և նրա սահմաններից դուրս գործող Հեռարձակողների տեսալսողական ծրագրերը ցանցային օպերատորի լիցենզիա ստացած անձի կողմից կարող են վերահաղորդվել տեսալսողական ծրագրերի դիստրիբյուտորի կամ հեռարձակողի հետ պայմանագրի հիման վրա:

5. Վերահաղորդվող տեսալսողական ծրագրերի յուրաքանչյուր փոփոխության վերաբերյալ ցանցային օպերատորը տեղեկացնում է կարգավորող պետական մարմնին:»:

Օրենքի 60-րդ հոդվածի 8-րդ մասի համաձայն՝ սույն օրենքն ուժի մեջ մտնելուց հետո ցանցային օպերատորները կարգավորող պետական մարմին տեղեկություն են ներկայացնում իրենց ցանցում վերահաղորդվող տեսալսողական ծրագրերի մասին:

«Հեղինակային իրավունքի և հարակից իրավունքների մասին» օրենքի 39-րդ հոդվածի 1-ին մասի համաձայն՝ այլ անձինք ստեղծագործությունը կարող են օգտագործել միայն ստեղծագործության նկատմամբ գույքային իրավունքները կրող անձի (ստեղծագործության հեղինակ կամ այլ անձ, որին այդ իրավունքներն անցել են օրենքով սահմանված կարգով, այսուհետ՝ իրավատեր) թույլտվությամբ՝ հեղինակային պայմանագրի հիման վրա, եթե սույն օրենքով այլ բան նախատեսված չէ:

Նույն օրենքի 65-րդ հոդվածի 1-ին մասի համաձայն՝ սույն օրենքով պահպանվող ստեղծագործության կամ դրա էական մասի կամ հարակից իրավունքների օբյեկտի ցանկացած օգտագործում անօրինական է, եթե նախապես, մինչև նման օգտագործումը ձեռք չի բերվել հեղինակային իրավունքի կամ հարակից իրավունքների իրավատիրոջ թույլտվությունը:

Հանձնաժողովը՝ որպես տեսալսողական մեդիայի ոլորտը կարգավորող պետական մարմին, Օրենքով վերապահված իր վերահսկողական լիազորություններն իրականացրել է ցանցային օպերատորի գործունեության մշտադիտարկում՝ տեղում դիտարկում իրականացնելու միջոցով և դիտարկման արդյունքում 2024 թվականի մայիսի 07-ին կազմված արձանագրությամբ նշված տեսալսողական ծրագրերի և ցանցային օպերատորի կողմից Հանձնաժողովը ներկայացված վերահաղորդվող տեսալսողական ծրագրերի ցանկի համադրության արդյունքում արձանագրել է, որ ցանցային օպերատորի կողմից փաստացի վերահաղորդվում են մի շարք տեսալսողական ծրագրեր, որոնք բացակայում են վերջինիս կողմից ներկայացված տեսալսողական ծրագրերի ցանկից:

Հանձնաժողովի կողմից ուսումնասիրվել է վարչական վարույթի ընթացքում ցանցային օպերատորի կողմից ներկայացված վերահաղորդվող տեսալսողական ծրագրերի ցանկը, ինչպես նաև բոլոր տեսալսողական ծրագրերի վերահաղորդման վերաբերյալ կնքված պայմանագրերն ու դրանց համաձայնագրերը և ուսումնասիրությունից պարզ է դարձել, որ ցանցային օպերատորն ունի «Երկիր Մեդիա», «Ազատություն TV», «France 24», «DW», «UDAR», «Nick toons» և «Մուզոն» տեսալսողական ծրագրերի վերահաղորդման իրավական հիմքերը:

Վերոգրյալից պարզ է դառնում, որ ցանցային օպերատորը չի խախտել Օրենքի դրույթները, և տեսալսողական ծրագրերը վերահաղորդվել են համապատասխան պայմանագրերի և դրանց ժամկետների երկարաձգման համաձայնագրերի հիման վրա:

Փաստենք նաև, որ ցանցային օպերատորը 2018 թվականի մայիսի 05-ից հանդիսանում է Հանձնաժողովի կողմից լիցենզավորված իրավաբանական անձ (սփուման տարածքը՝ ք. Երևան, Արագածոտնի, Արարատի, Լոռու, Կոտայքի, Տավուշի մարզեր):

Այսպիսով, հաշվի առնելով այն փաստը, որ ցանցային օպերատորը տեսալսողական ծրագրերը վերահաղորդել է համապատասխան իրավունքը հավաստող փաստաթղթերի՝ պայմանագրերի և դրանց համաձայնագրերի առկայությամբ՝ ուստի վարչական վարույթի բազմակողմանի, լրիվ և օբյեկտիվ քննությամբ, ձեռք բերված ապացույցների ուսումնասիրության և գնահատման արդյունքում Հանձնաժողովն արձանագրում է, որ վարչական իրավախախտման դեպքի կամ կազմի բացակայության հիմքով ցանցային օպերատորի նկատմամբ հարուցված թիվ 23 վարչական վարույթը ենթակա է կարճման:

«Վարչական իրավախախտումների վերաբերյալ» օրենսգրքի 247-րդ հոդվածի 1-ին կետով սահմանված է՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման հետևյալ հանգամանքների առկայության դեպքում՝

1) վարչական իրավախախտման դեպքի կամ կազմի բացակայությունը:

«Վարչական իրավախախտումների վերաբերյալ» օրենսգրքի 282-րդ հոդվածի համաձայն՝ քննելով վարչական իրավախախտման վերաբերյալ գործը, մարմինը (պաշտոնատար անձը) ընդունում է հետևյալ որոշումներից մեկը՝

1) վարչական տույժ նշանակելու մասին.

2) գործի վարույթը կարճելու մասին:

Գործի վարույթը կարճելու մասին որոշում ընդունվում է բանավոր դիտողություն հայտարարելու, նյութերը ընկերական դատարանի, ձեռնարկությունում, հիմնարկում, կազմակերպությունում և դրանց կառուցվածքային ստորաբաժանումներում ստեղծված՝ հարբեցողության դեմ պայքարի հանձնաժողովի, հասարակական կազմակերպության կամ աշխատավորական կոլեկտիվի քննությանը հանձնելու կամ դատախազին, նախաքննության կամ հետաքննության մարմնին հանձնելու դեպքում, ինչպես նաև սույն օրենսգրքի 247 հոդվածով նախատեսված հանգամանքների առկայության դեպքում:

Ելնելով վերոգրյալից և ղեկավարվելով «Տեսալսողական մեդիայի մասին» օրենքի 2-րդ հոդվածի 1-ին մասով, 32-րդ հոդվածի 1-ին մասի 11-րդ և 14-րդ կետերով, 42-րդ հոդվածով, 49-րդ հոդվածի 1-ին և 5-րդ մասերով և հիմք ընդունելով «Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին կետի, 282-րդ հոդվածի դրույթները՝ Հեռուստատեսության և ռադիոյի հանձնաժողովը **որոշեց՝**

1. «ՎԻՐՈՒՍ ՆԵՏ» ՍՊ ընկերության նկատմամբ հարուցված թիվ 23 վարչական վարույթը կարճել:

2. Սույն որոշումն ուժի մեջ է մտնում այն «ՎԻՐՈՒՍ ՆԵՏ» ՍՊ ընկերությանը պատշաճ ձևով հանձնելու օրվան հաջորդող օրվանից:

3. Սույն որոշումը կարող է բողոքարկվել ՀՀ վարչական դատարան՝ ուժի մեջ մտնելու օրվանից երկամսյա ժամկետում:

**ՀԵՌՈՒՍԱՏԵՍՈՒԹՅԱՆ ԵՎ ՌԱԴԻՈՅԻ
ՀԱՆՁՆԱԺՈՂՈՎԻ ՆԱԽԱԳԱՀ**

Տ. ՀԱԿՈԲՅԱՆ

2024թ. մայիսի 23
ք. Երևան